

TYPOGRAPHUS LECTORI.

Opera S. Martini presbyteri, atque sub Regula S. Augustini canonici in regio cœnobio Legionensi D. Isidoro nuncupato, nunc primum in lucem proferuntur, nempe post sex ferme sacerdotum spatium ab eorum lucubratione decursum. Et sane dudum est, cum viri de republica Christiana optime meriti hujus operis in publicum erulgandi desiderio tenebantur. Præ ceteris vero canonici regulares, qui S. Isidori cœnobium incœabant, id præcipue in votis habuerunt, ut sodalis et collegi sui Martini monumenta in vulgo ederentur. Sed in cassum Martinianam editionem conati sunt: nam res bona infaustis, ut aiunt, avibus auspicata ad optatum exitum non pervenit. Nos autem, cum horum operum absolutum haberemus exemplum, non ignobilibus notis adornatum, jussu excellentissimi D. D. Francisci Antonii archipræsulis Toletani, et ex ipso fonte summa, si que unquam, fide ac diligentia exaratum, firmiter, incunctanterque decrevimus ut quamprimum ex officina nostra typographica prodiret. Nec in ejusmodi deliberatione capessenda immatura celeritate et arbitratu nostro tantummodo ducti sumus, sed hominum eruditio præstantium consilio atque opinione expeditatis. Qui, postquam vota nostra commendassent, ne ab inceptis abiremus qua hortamentis, qua rationibus validis animum impulerunt. Quod volenti dictum est.

Habes itaque, lector benevolè, opera S. Martini sub prelo nostro diligenter excusa; ex quorum assidua lectione uberrimos virtutis fructus exhaurire valeas. Hic etenim purioris ethices fundamenta jaciuntur; hic Christianæ philosophiae dignitas, velut in tuto posita veritatis radios undeque diffundit. Unde nil ad catholicæ religionis normam non exactum, nil quod morum sanctimoniam non redoleat, offendit. Nec mirum: **usus** est enim auctor in propriis libris condendis, ut alios missos faciamus, SS. Gregorii, et Isidori doctrina, insuper et Mag. Sentent. Summa Theologica; ex quorum uberrimo campo optimâ quoque scite admodum et prudenter selegit. Si quando tamen mutila quedam, e suis sedibus quedam deturbata deprehendas, id amanuensium inscritias ascriendum censemus, nisi si Martinus noster non tam filiorum DD. verba quam sensum excerptisse videatur. Ut ut sit, omnia ad proprii auctoris mentem consentanea reperimus: quo circa religioni duimus aliquid immutare.

Sed ex Scripturæ sacræ penu uberiorem sibi eruditio copiam vendicavit Martinus, in cuius penetralia scrutando, seu accurate enodando totus est. Utriusque legis arcana diligenter exponit; prophetarum valicinia in apertum producit: Judæorum eventus, velut totidem D. N. Jesu Christi figuræ, juxta sensum allegoricum edidit, ejusdemque divinitatem tot Synagogæ Patrum factis antiquitus præsignatam adversus Judaicas expostulationes, argumentis hinc inde petitis, statuit et firmat. Quæ cum ita sint, hinc fore confidimus non modicam frugem ex hujus libri editione capiendam.

Ad genus dicendi quod attinet, illud Cypriani effatum usurpare non piget. « In judiciis . in concione pro rostris opulenta facundia volubili ambitione jactetur, cum de Domino Deo vox est, vocis pura sinceritas non eloquentia viribus utitur ad fideli argumenta, sed rebus.... Accipe non diserta sed sortia, nec ad audienciam popularis illecebram culto sermone fucata, sed ad divinam indulgentiam prædicandam rudi veritate simplicitia. » Præterea, notum habent bonarum artium cultores, quantum humana litteræ Martini ætate languerent, ut proinde cum primis Ecclesiæ Patribus in orationis præstantia eum conferre non ausim. Id mirum esse non poterit obscuri illius temporis rationem habenti, in quo non scientiarum tranquillitas, sed armorum motus et fragor Hispanie nostræ tractus, vicos, frequenter quoque urbes occupabat.

Prærens volumen quatuor tantum sermonibus absoluti: ultimum, qui secundus de Natali Domini inscriptus est, sectionibus distinctum damus præente signo §. Ad sectionem quamque summa præmittitur, breviter ibi contenta exprimens. Quæ quia in aliquibus desiderabatur, nunc adjecta sunt in utilitatem legendis. Qui Martini gesta, studia, peregrinationes demum religionis ergo susceptas scire desiderat, ipsius Vitam per Lucanum Tudensem ejusdem instituti canonicum exaralam evolvere potest, quam in hujus operis limine apponi curavimus, quoque instar prologi absolutissimi esse queat. Vale igitur, et laborem nostrum æqui bonique consule.

VITA SANCTI MARTINI,

SCRIPTA

A LUCA diacono legionensi, postea Tudensi episcopo, dum esset canonicus regularis Sancti Augustini in regio cœnobio Legionensi, sancto Isidoro nuncupato; atque ex opere quod inscribitur: *De miraculis S. Isidori*, desumpta.

CAPITULUM PRIMUM.

Qualiter B. Isidorus mirabiliter dedit sapientiam B. Martino canonico sui monasterii, mediante parvo libro, quem ipsum devorare compulit.

Eodem tempore venerabilis vita Martinus presbyter, canonicus ejusdem monasterii, quem paulo ante superioris memoravi, intellectu Scripturarum

A interno fere idiota, sed virtutum operibus sapientissime florebat insignis. Illic, quamvis esset ecclesiasticis officiis doctus, et ut dictum est, internum Scripturarum non caperet intellectum, tanquam ille qui grammaticorum scholas unquam minime frequentaverat, tamen inhiberat (1) ei intelligendi sacras Scripturas summum desiderium, et orationibus et jejuniis insistebat, serviens Domino die ac

(1) Sic codex pro inerat

nocte in spiritu veritatis (*Luc. ii*). Sed dum nocte quadam pervigil orationi insisteret, apparuit ei beatus doctor Isidorus ferens parvulum librum in manibus, et dixit illi : « Accipe hunc, dilecte mi, et comedere ; et dabit tibi Dominus sacrarum scientiarum Scripturarum, quia fidelis et justus inventus es in domo ejus (*Math. xxv*). Obtinui etiam a Domino Iesu Christo ut accipias quidquid a Deo petieris (*Joan. vi*) ; et eris consocius miraculorum, quae Dominus per me in hac Ecclesia operatur. Ego sum Isidorus hujus loci patronus, et ea quae te Spiritus sanctus docuerit, studebis in gloriam Christi nominis propinare. »

Martinus autem, ut erat columbinæ simplicitatis, verebatur comedere librum, ne forte tali cibo regulare jejunium solveretur. Tunc sanctus confessor accipiens mentum ejus, librum eum compulit devorare, et ita inflammatu est totus, ut sibi videretur quod esset quasi ferrum candens in igne. Quo peracto, sanctus qui ei loquebatur, disparuit. Ab illa igitur die ita sanctarum Scripturarum floruit intellectu, ut quoque magistros theologos superaret, cum eis de sacris questionibus conferendo. Judæi quoque et haeretici non poterant resistere sapientiae ejus et spiritui qui loquebatur (*Act. vi*). Mirabantur omnes super doctrinam ejus (*Math. xxii*), cum prædicans inter sapientes diserta latinitate verbis positis proponeret verbum Dei. Stupebant cuncti qui noverant eum, quoniam ultimo fratio senio data fuerat tanta scientia Scripturarum. Data est etiam illi gratia curationum (*I Cor. xii*), et spiritu propheticu quædam futura subtiliter prævidere. Praeterea duo nimis magnitudinis volumina edit, quæ *Concordia* nominantur, eo quod in eis concordent auctoritates Novi et Veteris Testamenti, et sanctorum Patrum sententiæ compilentur. In his voluminibus obscura Scripturae sacræ clarius reserantur, fides catholica roboretur, Judeorum perfidia confutatur, singulatum omnes haereses expugnantur, et quidquid honestatis est, Scripturæ testimoniis declaratur, et suavitate benignissima suadetur, adeo ut inter doctores Ecclesiæ Christi merito hic Martinus debeat computari. Cujus vita, sanctitas et miracula ut pateant fidelibus manifeste, ad gloriam nominis Christi et confessoris ejus Isidori laudem aliquam prosequamur, ab ipsius exordio narrationis ordinem assumentes.

CAPITULUM II.

De ortu, genere B. Martini canonici Sancti Isidori, et de nominibus patris et matris ipsius, et eorumdem nominum significatione.

Fuit igitur hic venerabilis doctor Ecclesiæ Christi Martinus nobilibus ortus natalibus, a parentibus catholicis procreatus, quorum nobilitas morum nobilitatem generis virtutum floribus decorabat. Cujus nominis causa rerum testante sanctarum divino præsagio hic videtur vocari Martinus, qui *testis Grace*, sive *ad Martem natus* interpretatur Latine. Parentes ejus ex territorio Legionensi, pater Joannes et mater Eugenia vocabantur. Convenienter, qui tantæ sobolis fructum gignere meruerunt, talibus censemur nominibus; quia Joannes *Dei gratia*, et Eugenia *bona terra*, vel *bona facies* interpretatur. *Dei gratia* ex bona terra testem verissimum protulit sive ad Martem natum Martinum, cum factor omnium et recreator fidelium Deus hunc famulum suum fidelissimum gratia sua in puerilibus annis ditavit, et præ ceteris coætaneis ejus illius faciem, id est conscientiam ejus atque mores, honestatis et mansuetudinis spiritu decoraverit, mentem ejus ad superna desideranda erexit, et in adolescentia contra multiformem inimicum diabolum, contra illicitos motus carnis, et contra diversos casus mundi eum spiritu fortitudinis ad Martem specialis certa-

A minis promptum faciens præmunivit ; in juventute patientia, obedientia et humilitate ditavit, et in senectute ac senio sapientiae et intellectus spiritu illustravit, atque in omni ætate hunc veritatis testem et athletam fortissimum roboravit, ut vere cunctis detur intelligi, quod in salutem multarum gentium divina gratia hunc vitæ fructum ex bona terra produxit.

CAPITULUM III.

De laudabilitate (2) vita B. Martini a pueritia sua ; de qualiter ejus pater post mortem uxoris suscepit habitum in monasterio Sancti Marcelli

Hic cum esset puerulus, sacris datus est erudiendus litteris a parentibus, qui maritalem sancte ac honeste vitam ducentes, si superstite uno alter eorum debitum exsolveret omnis carnis, causa castitatis servanda liberius, et abrenuntiandi sæculo se voto astrinxerant, atque filium non tantum temporalium eorum, quantum conversationis sanctæ orationibus crebris flagitabant haeredem. Docebatur quidem puer exterior a magistro, sed intus irradiabatur Spiritu sancto : nulla erat mora in descendo, habito respectu ad ejus cæteros consodales, cui divina gratia aderat doctrix. Matre vero ejus universæ carnis viam ingressa, pater ac si fugiens tempestatem, majori parte rerum suarum pauperibus erogata, cum aliis omnibus que possidebat et filio ecclesiæ Sancti Marcelli martyris, qui in urbe sita est Legionis sub beati Augustini Regula se Deo contulit servitum, filio tamen propter pueriles annos permanente in habitu sæculari.

Verumtamen diligebant omnes puerum propter religionem patris, et maxime quia futurorum operum in eo prefulgebat imago ; hilaritas continua, mansuetudine jucunda, senilis prudentia ; quidquid est puerile moribus abdicabat in eo, et utrobique spiritu consilii senioribus obediens se regebat. Operabatur jam Dominus in ætate tenera servi sui laudabile ac mirabile quoddam, adeo ut inter cæteros clericos fortes robore et proiectos ætate in nocturnis temporibus et diurnis primus surgeret ad divina mysteria peragenda, et cunctis se præbens officium, orationibus pervigil, corpus jejuniis macerabat. Revocabat saepius ad memoriam Jesu Domini passionem ; et in se delinquentibus ignoscendo, et compatiendo miseriis aliorum, pietatis spiritu fruebatur.

CAPITULUM IV.

Qualiter B. Martinus post patris obitum ad subdiaconatus ordinem promotus, ad illicitos motus carnis comprimentos seipsum pluribus sanctis peregrinationibus fortiter maceravit.

Cum itaque psalmis, hymnis, canticis spiritualibus Gregoriano graduali, antiphonario esset plenus eruditus, et Deo voce clara atque sonora dulciter in officiis ecclesiasticis jubilaret, puerilibus annis transactis, Ecclesia procurante præposito in subdiaconum ordinatus est, honoris ecclesiastici gradum. Qui ex ordine suscepto magis Deo se astriuens debitorem ; ne forte calore carnis fervente susceptum ordinem inacularet, ad frangenda desideria carnis, ad arctiora spiritum roborabat. Cogebat carnem servire spiritui, et irruentes lascivos motus carnis ad petram que Christus est (*I Cor. x*), totis viribus allidebat.

Cumque inspiceret, ut circa finem adolescentiae consuevit, carnis motus contra se violenter surgere ; considerans sanctæ peregrinationis exercitio superba lubricæ carnis alteri, sanctorum orationibus et suffragiis spiritum roborari, indulgentiam et Dei gratiam pronoveri : cum pater ejus morte pretiosa in Domino quievisset (*Psal. cxv*), cuncta quæ habere videbatur, studuit pauperibus elargiri, et per-

egre profectus, nostri Salvatoris in Asturiarum A partibus, et in Galletia beati Jacobi apostoli limina visitavit. Deinde Genitricis Dei et sanctorum expediturus auxilia, per ceteras sanctorum ecclesias, maxime ubi eorum sacratissima corpora quiescebant, alaeri pergebat discursu, sanctorum meritis et precibus Dei misericordiam implorando: et fusis frequenter rivulis lacrymarum, abluebat peccata si qua commiserat vel delicta.

CAPITULUM V.

De maxima abstinentia B. Martini dum Romæ existet peregrinus; et qualiter obtinuit gratiam coram oculis summi pontificis, et custodientium ecclesiam Sancti Petri.

Tandem pervenit ad sanctam urbem Romam, ubi, Domino largiente, sanctum Quadragesimæ peregit tempus in cinere atque cilicio, in pane arcto et aqua brevi; et hebdomada qualibet bis triduanum jejunium pergebat; Dominico die, tertia feria, quinta B et Sabbato tantummodo semel sumendo cibum, et singulas stationes sanctorum in psalmis et orationibus pedibus quotidie perlustrando. Dedit ei Dominus gratiam in oculis custodum templi Beatissimi Petri apostolorum principis, et ante illius sacrum altare vigilando, psallendo, orando sere totam noctem ducebat insomnem. Peracto itaque quadragesimali sancto jejunio, et florido Paschæ cunctis fidelibus pleno gaudio adveniente die, post perceptiōnem corporis et sanguinis Domini nostri Jesu Christi pedes gloriosi Patris Urbani papæ meruit osculari, et ab eo benedici specialis ceteris qui aderant peregrinis. Hoc quidem per omnia vir catholicus multoties asserebat, quod ad præsens inestimabilem sui laboris credebat fore mercedem, si vicarii Domini nostri Jesu Christi, scilicet Romanii Pontificis, simbrias tangere, atque ab eo benedici, et indulgentiam accipere mereretur; et quod Dominus ligandi atque solvendi præ cunctis prælatis plenariam illi contulerit potestatem et excellētioris gratiæ dignitatem.

CAPITULUM VI.

Qualiter B. Martinus ab urbe Roma secessit in diuersas alias sanctas peregrinationes; et Constantinopolim veniens, planetam pulchram emit in partes suas deferendum.

Tantis igitur vir Dei onustus laboribus, imo ut verius loquar, valde alleviatus, negotii capti non immemor ad memoriam sancti Michaelis archangeli de monte Gargano, et sanctissimum corpus Nicolai de Barinto orationis gratia properavit. Inde prospéro navigio vectus, Jerosolymam adiit, et in locis sancte Nativitatis et passionum Domini nostri Jesu Christi diebus multis vacans obsecrationibus, et jejunis (*Luc. ii*), crucifigens seipsum cum vitiis et concupiscentiis (*Galat. v*), cordis contriti et humiliati Domino sacrificia immolabat, et sacra loca lacrymarum fonte saepius irrigabat. Posit hæc sancto Jerosolymitano hospitali tanta humilitate ac gratia præditus biennio deservivit, ut in omnium mentibus influens, tenerime ab omnibus amaretur. Quibus omnibus feliciter peractis, visitatis sanctis eremitis qui erant in Antiochenis montibus, perrexit Constantinopolim, et beatorum apostolorum, martyrum, confessorum et virginum reliquias inibi qui escentium devotissime adoravit, misericordiam Domini sanctorum suffragiis implorando. Mansit ibi per dies aliquot Dei servus, et inter cætera venalia planetam sacerdotalem olosericam vidit, quam, dato pretio, accepit ab institutoribus, eam ecclesiæ Sancti Marcelli Legionensis pro munere cupiens deportare. Conspiciebat enim jam in se refrigescere calorem corporis fatigati, et quasi securus de pugna contra tentationes carnis divino fretus auxilio victoriam se posse obtinere gaudebat, et in natali solo cupiebat Domino de cætero militare.

CAPITULUM VII.

Qualiter B. Martinus, dum ad propria rediret, in civitate quadam suis captus tanquam planetam predictam furatus esset.

Cumque reverteretur, pro tot consummatis laboribus Deo gratias agens, et sanctorum corpora, scilicet beati Dionysii martyris gloriosi, Martini episcopi in Galliis, pretiosissimi martyris Thomæ in Anglia, et sancti Patricii in Hibernia fraganti studio visitaret, sanctos quoque Ægidium, Saturninum et Antonium cupiens visitare, predictum pallium sacerdotale secum serebat, et in civitate Veterensi custodes civitatis capientes eum, et quasi de furto planetæ obstinate redargentes, in carcere posuerunt. Sed divina clementia, quæ in se sperantes non deserit (*Dan. xiii*), virum Dei exaudiuit ad se clamantem. Nam cum oraret in carcere positus, venit ad eum quædam mulier hæretica labi infecta, et cœpit vehementer insistere ut sibi præberet assensum, fidem catholicam denegando; et eum a carcere liberaret. Servus autem Dei, cum videret quod eum vellet in erroris præcipitium mergere, motus amaritudine fellis dixit ei: « Discide a me, mala mulier; quia malo, si fieri potest, millesies mori quam coeno tuæ hæresis inquinari. » Ad hæc mulier irata dedit illi alapam, et abrepta statim a dæmonio acris vexabatur. Cucurrerunt cives, et perquirentes, de facto mirabantur valde, alii dicentes eum esse sanctum, alii vero magnum maleficum: et schisma erat inter eos.

CAPITULUM VIII.

Qualiter B. Martino in carcere existente, venit ad ipsum angelus Dei ad ipsius custodiā deputatus, et eripuit eum, præcipiens ei ut Legionem rediret.

Cum hæc agerentur, misit Dominus angelum suum, et eripuit eum de manibus iniquorum (*Psal. xxx*). Etenim veniens quidam vultu decoro, habitu honesto, cœpit in ingressu civitatis perquirere, ubi esset talis peregrinus Dei servus, formam ejus et prius habitum exprimendo. Cum audisset a dicentibus hujusmodi virum in carcere detineri, venit ad judicem civitatis, et conquerebatur de illis, qui inuste male tractaverunt virum Dei. Videns tanti honoris hominem judex, assurrexit ei, et humiliter quarebat ab eo, quid nosset de peregrino, de quo talia loquebatur. Qui respondens, dixit ei: « A pueritia, inquit, novi eum vivere juste ac timorate, et patrem ejus et matrem in timore Domini conversatos; peregrinationis causa erogatis pro majori parte omnibus quæ babebat pauperibus, ivit Jerosolymam. Post hæc etiam orandi gratia perrexit Constantinopolim, ibique, me presente, planetam emit de qua versatur quæstio, et scio quoniam hic homo sanctus et justus est. »

Tunc judex idem adhibens tanto testi, festinus perrexit ad carcere. Cum invenisset turbam altercantium super dicta muliere quæ a dæmonio vexabatur, et didicisset quod factum fuerat, provocatus genibus coram servo Dei Martino, pro tanto commissio scelere veniam precabatur, et extrahens eum a carcere, offerebat ei pecuniam, atque in satisfactionem tanti commissi, ut acciperet, instantia qua poterat, exorabat. Vir autem Dei Martinus indulxit illi, et pecuniam accipere recusavit. Sed vir supradictus dicens eum extra civitatem, dixit ei: « Revertere in terram nativitatis tuae, et in quiete mentis et corporis ordinem diaconatus et presbyteratus suscipiens, indumentis sacris gratum Deo stude sacrificium immolare. » Interrogatus autem a Martino quis esset qui tantam sibi gratiam misericorditer exhibuerat, dixit ei: « Angelus Dei ego sum tibi ad custodiā deputatus, et in omnibus quæ agis, me auxiliatorem obtinere a Domino meruisti. » Quibus dictis, resplenduit facies ejus ut sol (*Math. xvii*), et ex oculis cernentis evanuit.

CAPITULUM IX.

Qualiter B. Martinus statim veniens Legionem, diaconatus et presbyteratus ordines suscepit, et B. Augustini habitum in Sancti Marcelli monasterio recepit, ibique honestissime et laudabiliter vivebat.

Servus autem Domini Martinus stupore plenus, quasi exanimis est effectus. Tandem ad se reversus, cum fletu magno Deo gratias egit, qui per angelum suum tueri illum dignatus est in omnibus tribulationibus et angustiis suis. Et ut jussa p'fisceret angeli, accelerabat redire Legionem. Quo cum venisset, a cunctis cum gaudio magno receptus, et per manus reverendi Patris Manrici episcopi (5) diaconatus primo, et deinde presbyteratus ordinem est adeptus. Suscepit etiam secundum beati Augustini Regulam religionis habitum in ecclesia Sancti Marcelli martyris, et se recepit in quadam parva cellula intra claustrum, ut quanto esset semiotus ab aliis, tanto magis posset contemplationi et orationi insistere, omniq[ue] postposito strepitu sacerulari, tantummodo divinis obsequiis frueretur. Ubi dum esset, illud quotidie clerici et ecclesiae custodes experiebantur mirabile, quod, cum esset ecclesia clausa, dum surgerent ad matutinum officium per agendum qualibet nocte, ipsum ante majus altare inveniebant orantem.

CAPITULUM X.

Qualiter Legionensis episcopu[m] extraxit canonicos regulares ab ecclesia Sancti Marcelli, et immissit clericos sacerulares: et B. Martinus se transtulit ad ecclesiam Sancti Isidori, et postea rediit ad Sanctum Marcellum, finaliter ad Sanctum Isidorem jussu ipsius.

Accidit tunc temporis ut praedictus episcopus canonicos regulares ab ipsa ecclesia removeret, viro Dei cum uno tantum suo clientulo Petro nomine inter sacerulares clericos, qui noviter inducti fuerant, remanente. Sed considerans tutius esse cum viris honestioribus habitate, se ad monasterium Sancti Isidori confessoris cum illo suo clientulo transtulit, ut canonica valeret securius ducere vitam. Qui benigne receptus a fratribus, cum abstinentiae gratia nollet uti vino vel carnibus, quibusdum moleste serentibus quod non ut ceteri fratres rigorem ordinis temperaret, et in scandalum cederet aliorum, ad ecclesiam Sancti Marcelli redire coactus est, ubi per dies aliquot mansit. Beatus autem confessor Isidorus quibusdam apparuit monasterii sui fratribus, et terribiliter dixit eis: «Quo expulisti servum Dei Martinum? Studeant eum prior et conventus cum honore citius revocare: quod nisi fecerint, maxima pericula se noverint incursum. Non enim debent fratres scandalizari, sed potius congaudere, cum ad arcticorem vitam viderint fidem socium evolare.»

Hæc cum nuntiata fuissent priori et conventui, miserunt ad eum de senioribus domus rogantes, ut ad eorum monasterium dignaretur reverti, et ibi suam expletet omnimode voluntatem. Vir autem Domini cum acquiescere noluisse, abbas qui vocabatur Facundus, qui præter monasterio, venit ad eum pedibus nudis cum fratribus senioribus, et precabatur precibus lacrymosis ut redire ad eorum monasterium dignaretur. Qui ad ipsorum lacrymas victus, ut erat affluens visceribus pietatis, rediit cum eis, et in quadam ipsius monasterii se contulit

(5) Electus est Manricus anno 1181, et obiit 14 Februarii 1205.

(4) Ob hujus altaris constructionem, et maxima qua erga crucem Martinus affiebatur religione, Martinum Sanctæ crucis eum vocat pervetus Necrologium. Tempus quo B. Martinus ad cœnobium S. Isidori se transtulit, necesse est ut non præcesserit annum 1181, qui fuit electionis, sicuti diximus,

A parte remotiori, in qua ad honorem crucis nostræ redemptionis altare contruxit (4), ubi diebus ac noctibus psalmis, et hymnis, et orationibus insisterat (*Luc. 11*).

CAPITULUM XI.

De maxima vita asperitate et abstinentia B. Martini, ac de sancta ipsius conversatione, dum in dicto Sancti Isidori monasterio viveret.

Tantæ quidem erat abstinentia, ut non posset credi, quod temporibus nostræ fragilitatis quisquam posset vivere, qui corpus suum taliter fatigaret. Nunquam utebatur carnis nec piscibus; vimnum pro debilitate stomachi raro sumebat, adeo lymphatum, ut vix sapore vel colore ab aqua posset discerni; in præcipuis solemnitatibus in conventu interdum cum fratribus comedebat, et jure carnium, ovis et caseo utebatur: excepto superpeccato non induebatur lineis, sed asperrimo erat cilicio circa carnem indutus, et pro lecto in solo sibi parum de paleis sternebatur, in quibus fessa membra somno aliquando resovebat, postquam essent vigiliarum nimis laboribus fatigata. Erat ei studium fratres in suis ægritudinibus visitare, eisque maxime de nocte assistere, eo quod tunc magis ægritudine gravabantur. Leniebat eos obsequiis, blandis consolabatur verbis, invitabat ad confessionem peccatorum faciendam, et perceptio nem sacramentorum explendam; suadebat omnia quæ sunt sanctitatis, et mentes eorum ad cœlestia erigebat. Ipse manu propria extrema unctionis præbebat omnibus sacramentum, et virtus divina in sacramento sensibiliter apparebat, quia æger statim se habere melius fatebatur. Quoscumque in congregacione perpenderet dissidentes, summo studio ad concordiam revocabat. Quidquid inveniebat incompositum, statim corrigeret satagebat. Cunctis occurrebat latus et humilis, prout unicuique competere videbatur, et plenus gratia omnibus desiderabilis induebat. Quicunque ad eum veniebat tristis vel turbulentus, affabilitate consolationis ejus leatus, et hilaris abscedebat. Divulgabatur fama honestatis ejus semper accrescens in melius, et quotidie suavius redolebat.

CAPITULUM XII.

Qualiter B. Martinus licet senex et infirmus incipit opus magnum librorum suorum, et reges atque naganates ipsum nimis venerabantur, et, eo vivente, dæmones ipsius sanctitatem favebantur.

Cum autem in eo virtutum opera augmento meliori quotidie pulularent, et esset jam venerando senio fessus, atque Scripturas, non ut optabat, intelligebat, ut superius scriptum est, et per beatum confessorem Isidorum optatam accepisset a Domino intelligentiam Scripturarum, atque Concordiæ volumina vellet conticere: cum in scribendo manuum et brachiorum suorum pondus sustinere non posset, fecit ad quandam trabem in sublimi colligari funes, quos per scapulas et brachia dicens, quodammodo suspensus imbecillis corporis pondus levius tolerabat, et sic in tabulis cæratis scribens, tradebat scriptoribus, qui ab eo dictata vel copillata scribebant, transferentes in pergamenæ. Hoc etiam erat valde mirabile, quod dolore capitis nimio laborabat, et a tanto studio nullatenus desistebat. Coepit etiam signis et miraculis coruscare, quæ silens prætereunda ex toto nullatenus judicamus,

Manrici episcopi; ac proinde plurimum erravit Fr. Josephus Manzano in Vita S. Isidori, cum annum designaverit 1168, et abbas Facundus superstes adhuc erat in altero contra chronologiam ejusdem auctoris, qui eum obiisse statuit prefato an. 1168. Sed postea patebit Facundum etiam vivere anno 1197 circa finem.

licet plura propter legentis fastidium taceamus. A Quibus visis miraculis, rex Adesonus in tanta eum habebat reverentia, ut frequenter sancti viri presentiam visitaret, et contra ipsum flexis genibus veniebat. Uxor quoque ejus regina Berengaria (5) Dei famuli sanctitatem suppliciter adorabat. Episcopi quoque et barones regni eum nimio venerabantur affectu, et ejus sacris monitis et preceptis se devotissime submittebant. Omnes habebant ipsum magistrum confessionis peccatorum suorum, et cuncti asserabant, quod si qua peccata vellent teger, aut tradidissent oblivioni, eis vir Dei ad memoriā reducebat. Ut autem in eo Dominus virtutum miraculorum et gratiam curationum deterget manifeste, et miraculorum quae siebant per beatum confessorem Isidorum, efficieret socium, arreptiti qui jacebant ante altare beatissimi confessoris, poscentes remedia sanitatis, vel demones in ipsis, clamabant, dicentes: « Martine, serve Dei, incendunt nos orationes tuæ: anodo non possumus hic manere, quia Isidorus contra nos te sibi socium agregavit. » Et hæc dicentes, curabantur qui læsi erant tam gravissima passione. Unde jam multis ægritudinibus laborantes accedebant ad ipsum, et obtinebant remedia sanitatis.

CAPITULUM XIII.

Qualiter B. Martinus petiit licentiam a suo abate recipiendi eleemosynas ad opera sua perficienda et scribenda necessarias, eique revelavit qualiter beatus Isidorus dederat sibi sapientiam, mediante parvo libro, quem compulsi devorare: et qualiter fecit opera jam dicta et insuper ecclesiam Sanctissimæ Trinitatis.

Sed quoniam est de substantia Regulæ beati Augustini (secundum quam, auctore Deo, famulus Christi Martinus Domino militabat) regulares canonicos non solum proprium non habent, verum etiam absque prælatorum licentia nihil dare vel accipere; pauper Christi, qui nihil de mundi divitiis possidebat, nec poterat absque aliorum subsidio libros componere suprafatos, dum non solum præsentibus, sed etiam futuris de accepta gratia studeret prodesse divinæ munere largitatis, abbatem Facundum (6) humiliiter supplicabat, quatenus sibi daret licentiam habendi scriptores, cum quibus sanctæ compilationis consiceret libros, et accipiendi eleemosynas quæ sibi misericorditer conferrentur. Abbas ut audivit, mirabatur quod etiam eum in tantum Spiritus sanctus roboraverat ut, ægritudine capitis ac senio fessus, tanti laboris opus arripere niteretur. Tamen in praesentia quorundam fratum seniorum interrogans etiam in virtute obedientiae exigebat ab eo, ut sibi diceret, qualiter tanta gratia perveniret sibi. Ad hæc filius obedientiae narravit ei quomodo beatus confessor Isidorus sibi apparuerat, et ei contulerat intelligentiam Scripturarum eo modo quo supra prænotatum est. Tunc abbas gratias agens, dedit ei licentiam habendi librarios, et quæ vellet volumina conscribendi, et accipiendi eleemosynas a fidelibus, unde posset perficere quidquid sibi melius videbatur. Regina vero Berengaria (7), ut comprimit desiderium sancti viri, sufficientes expensas præbuit, ex quibus vir sanctus sua peregit volumina, atque in ipso claustrō ad honorem Deitatis Trinitatis ecclesiam construxit, ibique multorum sancctorum reliquiis aggregatis, fecit eam per manus reverendi Patris Joannis Ovetensis episcopi consecrari.

(5) Berengaria nupta jam erat Alphonso, si credimus Henrico Florez, tom I *Reginar. catholicar.*, pag. 352, die 17 Decembris anni 1197. Hoc ergo anno vel paucis ante Martinus scribere cœperit.

(6) En quomodo Facundus adhuc cœnobio præcerat circa finem anni 1197, ut antea dixi.

(7) Ergo, ut dictum est, B. Martinus circa tem-

CAPITULUM XIV.

Qualiter minor vars ordinarie portionis, quæ B. Martino, prout altis canoniciis dabatur, sufficiebat quotidie septem clericis suis, semperque reliquæ ipsius portionis supererant.

Habebat igitur secum clericos septem quotidie ad sua volumina conscribenda, et divinum officium peragendum. Et cum teneat consuetudo monasterii, quibusdam certis diebus carnes edere in conventu, viro Dei suam dabat carnium portionem, quæ unius posset fratrum sufficere, et tamen unus posset ad horam totam consumnare. Deserebatur dicta carnium portio viro Dei, et ipse manu propria maximam partem ejus duobus dabat catiis quos nutriebat Aliam vero partem signo crucis benedicbat, et septem suis clericis, ut in nomine Domini nostri Jesu Christi comedenter, tribuebat. Ille qui de quinque panibus et duobus piscibus quinque millia hominum satiavit (*Marc. vi.*), augebat quotidie carnes illas, ita ut ipsa die esus earum dictos clericos satiaret, et etiam in diem alteram earum reliquæ remanearent. Unde factum est, ut quod ex ipsis carnibus quadam quinta feria superfuerat, dum essent clerici in prandio suo sequenti Sabbato quidam puer nomine Adefonsus, qui nunc artium liberalium et juris magistrali nomine decoratur, cum dictis clericis ad comedendum sèpius veniebat: hic carnes quæ de quinta feria remanserant, ut reperit, comedebat. Ut autem supervenit vir Dei, et vidi subito quod siebat, putans quod sui clerici carnes comedenter, dixit eis: « Quare, miseri, judaizatis? Fornassis in sexta feria preparasti nobis, ut in Sabbatho comederetis? Nonne debet esse distinctio inter Christianos et Judæos, inter filios Dei et filios diaboli? » Hæc dicens expulit eos a consortio suo. Clerici autem de facto nimium condolentes, innotuerunt quibusdam fratribus, quid acciderit illis. Qui venientes ad virum Dei, vix oltinuerunt ut clericis indulgeret; ita tamen ut prius promitterent in manibus ejus de cætero die Sabbathi, nisi necessitate urgente, nullatenus comedenter carnes. Sed transactis aliquantis diebus, cum didicisset a clericis omnino eventum rei, nimium doluit, quia tali casu fuerat hoc miraculum propalatum. Præcepit tamen eis ne super hac re de reliquo excitarent rumores.

CAPITULUM XV.

Qualiter B. Martinus curavit decanum Legionensem quartana febre, dum ipsi insimul de sacra pagina decertarent.

Decanus Legionensis nomine Petrus, vir litteratus admodum et honestus, qui assumptus in archiepiscopum, nunc strenue Jacobitam regit Ecclesiam (8), eo tempore febre quartana graviter laborabat. Hic quadam die summo mane venit ad virum Dei, et cum eo in sacris Scripturis usque ad vesperum conferebat. Cum autem se videret Dei servum non posse in aliquo superare sophisticis syllogismis, coepit proponere contra ipsum. Ad hæc vir Dei dixit ei: « Desiste, decane, desiste; quia falsitas angulos querit. » Incipiebat jam febribus rigor decanum arripere; et prostratus ad pedes Dei famuli, dixit ei: « Serve Dei, per Dominum nostrum Jesum te deprecor, ne despicias me, quia octo jam menses elapsi sunt, ex quo affliger assidue quartana febre. Ora pro me Dominum, ut precibus tuis restituas sanitati. » Sed vir Dei, ne labe-

pus Berengariae ad scribendum sese accinxit.

(8) Henricus Florez, tom. XXII *Hispan. sacra*, pag. 111 inquit, hunc Petrum jam anno 1208 Compostellanum regere Ecclesiam, vitamque protendisse ad usque annum 1224. Si ergo vera est hæc chronologia, uno ex his sexdecim annis caput istud scribebat Lucas.

vanæ gloriæ sedaretur, ait ei : « Hoc non est meum, quæ homo peccator sum (*Luc.* v.) »

Decano autem cum lacrymis insistente, Dei famulus motus pietate, ait illi : « Deprecemur ambo Deum, ut tibi quod petis, dignetur tribuere. » Prostravit se decamus ad orationem coram altare Sanctæ crucis, et Martinus venit ad quamdam fenerastram, unde altare beati Isidori prospiciens, precum suarum incensum Domino consueverat adulere. Et cum orasset diutius, venit ad decanum, et interrogavit eum de articulis fidei, ut de credulitate sua fidem faceret coram Deo. Qui cum omnia quæ sunt de fide catholica se crederet fateretur, servus Domini dixit ei : « In nomine Domini nostri Jesu Christi, precibus beati confessoris Isidori conservetur in te fides catholica quam fateris, et esto sanus. » Qui, protinus sanitatem recepta, glorificabat Deum et confessorem ejus Isidorum : et sic viro Dei Martino deinceps se præbuit obsequenter, ac si esset unus de famulis ejus. Comedit ipsa nocte cum eo pauperculam cœnam ejus, quod etiam multi episcoporum nultos facere se gaudebant. Edidit præterea dictus decanus rhetoris coloribus præclaram homiliam, in qua Christi confessorem Isidorum laude celebri extulit gloriose.

CAPITULUM XVI.

Qualiter B. Martinus mulierem nobilem a mamillæ dolore curavit.

Quædam etiam nobilis mulier, quæ dolore mammillæ gravissime torquebatur, veniens petebat a viro Dei Martino sue ægritudini subveniri. Et cum signum crucis vir Dei fecisset super turgentem mammillam ejus, deposita inflatione illlico sana effecta est. Hujus mulieris nomen excidit : sed qui hoc viderunt mihi duo presbyteri Domini testimonio retulerunt.

CAPITULUM XVII.

Qualiter B. Martinus suum concanonicum acerrimo dentium dolore curavit.

Venerabilis vir Garsias abbas ejusdem monasterii testatur, qui adhuc superest, præ debilitate tamen nimia regendi dignitate dimissa : hic, inquam, saepius testatur cum lacrymis, quod ipse in tantum dentium affligebatur dolore, ut nec aquam bibere posset, eo quod videbatur sibi quod dentes ejus statim præ nimio dolore caderent, dum vel parum aquæ mitteret in os suum. Sed veniens ad Dei famulum Martinum, procidit ad pedes ejus, dicens : « Succurre mihi, domine Pater, quia jam sex dies fluxerunt, ex quo nihil manducavi nec bibi. » Qui protinus misericordia motus, interrogavit eum, sicut ægris omnibus ad se venientibus facere consueverat, dicens : « Credis in Deum Patrem, et Filium, et Spiritum sanctum ? » Et cum respondisset : « Credo ; » fecit signum crucis super faciem ejus, et dixit ei : « In nomine Domini nostri Jesu Christi recede sanus. » Et ita continuo curatus est, quod de cætero dum vixit, licet esset senio fessus, nullum dentium sensit dolorem.

Erat ipse Garsias tunc temporis simplex canonicus, et statim venit prandere cum cæteris fratribus ad refectorium. At ubi viderunt eum cæteri fratres hilariter comedentes et bibentes, quem in brevi moriturum credebant, et didicissent qualiter sanus effectus esset, glorificabant Deum, qui eis per servum suum Martinum dignatus est sua clementia providere.

CAPITULUM XVIII.

Qualiter B. Martinus puerum quemdam in Sancti Isidori monasterio existentem a morbo squinantico liberavit.

Cum quidam nobilis puer, nomine Munnio, qui in ipso monasterio inter regulares nutriebatur pueros, squinantico apostemate laboraret, et nullo

A posset sibi medicorum remedio subveniri, a prædicto Garsia, qui eum rudiuentis litteralibus edocet, ad virum Dei Martinum deductus est. Hie cum prædicto puero cecidit ad pedes ejus, et cum lacrymis precabatur puero sanctæ medelæ gratiam exhiberi. Vir autem Dei fecit signum crucis super guttur pueri, et statim cum sanguine evomit apostema. Vivit adhuc dictus Munnio presbyter et canonicus, et cum pluribus aliis hujus miraculi testis existit.

CAPITULUM XIX.

Qualiter B. Martinus comitissam aevotam suam partus doloribus morti propinquam a morte ipsa liberavit.

Quædam mulier nobilissima Santia, quæ sanctum virum devotissimo venerabatur affectu, dum esset prægnans, et appropinquante partu, doloribus nimis urgeretur, misit ad virum Dei supplicando, ut pro ea Dominus preces fundere dignaretur. Ipse vero nuntiis benigne promisit annuere postulata. Sed cum nox supervenisset, et famuli ad lectum fere morientis dominas circumstetissent, ipsa coepit clamare, dicens : « Parate sedes, et recipite sanctum Dei Martinum. » Quod cum audissent omnes qui circumstabant, putabant eam loqui quasi esset posita extra sensum. Ipsa vero intelligens quod non videbant alii, quod sibi videre datur, dixit eis : « Egredimini omnes, et mecum remaneant solummodo mulieres. »

Qui cum fuissent egressi, illa de lecto descendit, et quasi oratura procidens, filium masculum incolumem statim peperit, et ipsa redditæ est sanitati. Quæ postea asserebat, sanctum Dei ad se venisse Martinum, et cum de lecto descendens adoraret eum, ipse facto signo crucis super eam sanctus discessit, et illa statim peperit. Erat prædicta Santia uxor Froyla comitis, a quo hunc generat filium : quem baptizandum ducens ad virum Dei, Ramirus inter maiores regni Legionensis fretus potentia militari. (*Phrasis manca.*)

CAPITULUM XX.

Qualiter consilio et revelatione B. Martini Legionensis civitas se defendit a regibus Castellæ et Aragonum, qui eam obsessam habebant.

D Ad eos rex Castellæ cum manu magna exercituum habens in auxilio sui Petrum regem Aragonum, cepit quod obsederat castrum Judæorutæ, quod fere per unum milliare distat ab urbe Legionensi. Post hæc urbem Legionensem cœpit cum suis exercitibus oppugnare. Cives autem ut videbunt tantorum potentiam regum, admodum timuerunt. Sed accedentes ad famulum Dei Martinum supplicabant certificari ab eo, si tantis exercitibus resistere possint. Qui respondens, dixit eis : « Constantes estote, ne formidetis ; pro certo scientes, quoniam hæc civitas ab his regibus non capietur, quoniam Dominus protegit eam precibus beati Isidori confessoris. Scitote etiam quoniam iubrevi rex Castellæ recipiet nuntium, quod rex Legionis cum exercitu magno invadit regnum ejus ; et recedens ab obsidione istius urbis parabit obviam ei, sed nullus erit inter eos armorum conflictus. » Ut vir Dei prædictus, sic omnino accidit, et manifestatus est dare [clare?] ipso spiritus prophetae. Jam pluribus aliis prætermisso miraculis, quæ omnipotens Deus per ipsum dignatus est operari, ad ejus sacratissimum obitum veniamus.

CAPITULUM XXI.

Qualiter B. Martinus longe ante præscivit sui obitus diem, eundemque fratribus suis priori et canonico Sancti Isidori, et aliis revelavit.

Cum igitur his et aliis doctor Ecclesiæ Christi Martinus presbyter floraret virtutibus et miraculis, sui obitus tempus vel diem pluribus ante diebus

crepit quibusdam fratibus revelare, atque de sua dulcissima letos praesentia fecit tristes, diem sui obitus praedicendo. Quidam clientulus ejus Pellagius, cum delatum fuisset ei quod pater suus discesserit, petiti licentiam a sancto viro ut iret ad suos, ordinaturus de rebus, quae sibi proveniebant de rebus patris. Vir autem Domini benedixit illi, dicens : « Vade, fili, cum Deo, et scito quia me de cætero non videbis. » Non plene advertit clientulus quae dixerat illi, et recessit ab eo. Alii vero qui astabant intelligentes, dolore tacti cordis, immagine mortis illius diem plangebant. Ab ipso tempore vir Dei, prætermisso studio lectionis, die ac nocte orationibus insistebat (*Luc. ii*), vigilabat, et orabat, ut cum veniret Dominus et pulsaret, in hora mortis inveniret eum vigilantem (*Luc. xi*). Quibuscumque poterat modis, plus solito se ab humana confabulationibus subtrahebat, et tota sollicitudine gestiebat mentis thalamum perornare, ut revertentem a nuptiis Dominum digne posset recipere. Quadam vero sexta feria, quam octava dies ejus felicissimi transitus secuta est, cum esset prior cum fratibus in capitulo, petiti Dei famulus omnes alios, si qui deerant, convocari, et tam afflenti exhortatione in capitulo verbum Dei proferebat, ut facunda et suavi predicatione videretur jam consistere in consortio angelorum. Non videbant esse verba hominis, quia revera Christus loquebatur in servo suo : quædam inserebat verbis ipsius prædicationis, ex quibus omnes manifeste intelligebant, illum octavum diem primo ventram terminum sui transitus assignare.

CAPITULUM XXXII.

Qualiter B. Martinus antequam de hoc sæculo migraret, tradidit priori suo claves, et omnia quæ de ipsius licentia administrabat, et petiti ab eo benedici.

Post haec ecclesiæ Sanctæ Trinitatis quam in eodem claustro ipse fecerat fabricari, et cuiusdam lapideæ domus quæ est in turre ipsius monasterii, in qua quorundam magnatorum servabatur pecunia commenda, claves priori tradidit, ne quidquam suo nomine vel alterius pauper Christi moriens possideret. Deinde cum lacrymis supplicabat sibi ab omnibus indulgeri, si quid commiserat vel deliquerat, fratrū aliquem contristando. Petebat etiam flexis genibus, ut benediceretur a priore. Sed prior illi benedicere recusabat, eo quod volebat benedici ab eo, qui magis sanctitate appropinquare ad Dominum credebat. Perseveranter vero instituit servus Dei, et omnes illi cum lacrymis indulserunt, et benedici obtinuit a suo priore, id est præposito. Tunc instanter rogante priore, et in virtute obedientiae præcipiente, illi et fratibus benedixit, dicens : « Benedic vos Dominus ex Sion, et semper videatis quæ bona sunt in Jerusalem (*Psal. cxxviii*). » Et his dictis, rediit ad ecclesiam Sanctæ Crucis, cunctis eum sequentibus plorando fratibus, qui de illius obitu nimium tristabantur. Omnes enim dolebant se in hujus miserae vitæ peregrinatione solarium tanti Patris amittere ; quia merito cunctorum fratrum cordis intima dolor vehemens constringebat.

CAPITULUM XXXIII.

Qualiter B. Martinus certus de transitu suo ad gloriam, ad id se totis viribus præparabat.

Quibus peractis, dum famulus Dei miserum humanæ conditionis sustineret adventum, et beatissimum sui laboris bravium exspectaret, sequenti tertia feria febre corruptus est, et destitutus paucitatem corporis viribus, ægrotavit. Quotidie tamen, ut a primordio sui sacerdotii conuseveral, celebrabat missam, et ante altare Sanctæ crucis prostratus orationibus incumbebat. Accedebat etiam ad fenestram, unde beati confessoris Isidori aspi-

ciebat altare, et suum exitum beati Isidori præcibus committebat. Quis posset credere tam in brevi hominem moriturum, qui tanta spiritus fortitudine pervigebat ? Erat enim hoc consolatio qualiscunque fratibus putantibus, quod Dominus missertus eis, longiore illi concesserit vitam. Sed cum sequentis sextæ feriæ sol clauderetur, venit ad eum Petrus custos turrium regis, qui nunc canonicus ejusdem monasterii est, et virum Dei coram altare orantem invenit ; erat enim familiaris ejus et exspectabat benedici ab eo. Ad quem versus vir Dei benedixit illi, et dixit : « Vade, fili, ad custodiam turrium tibi commissam ; et cum audiueris hac nocte primo hujus monasterii campanas pulsari, dicens orationem Dominicam, pro me Domum deprecare. » Qui flens, dixit ei : « Adest hora migrationis, Pater et domine ? » Qui respondens, ait ei : « Revera, fili, adest, et hac nocte sum de corpore egressurus. » Quo discedente, reclinavit vir Dei in suo pauperculo lecto, quem de tantoris (*sic*) paleis et herbis, suadentibus fratibus, super lineis columnalis secundum patræ morem erexerat, et jussit convocari fratres, ut sibi extrema unctionis perficerent sacramentum.

CAPITULUM XXIV.

De pretioso fine et glorioso transitu B. Martini, et notabili doctrina quam nobis reliquit quoad sanctissimum viaticum sacramentum.

Concurrentes vero fratres audierunt adesse horam mortis, magis ut ejus sacratissimum viderent exitum, quam ut ei suis orationibus subvenirent, a quo sperabant suorum peccaminum veniam promereri, invenerunt eum in extremis fere jam laborantem. Sed cum ei sanctæ unctionis ministerium peregrinisset, accepit crucem, et frequenter osculabatur eam, et super pectus suum ponebat. Muniebat etiam se dextera manu signo crucis, et sinistram contra partem alteram opponebat, qua videbat sibi malignum spiritum adversantem. Orabat tacite, et nihil respondebat, cum frequenter interrogaretur a fratibus. Et quia ipsa die celebraverat missam, visum est aliquibus fratrum, quod post unctionem non deberet sibi dari corporis Dominicæ sacramentum. Quod cum vidissent duo canonici, Petrus videlicet et Fernandus, quibus ineral scientia Scripturarum, cum lacrymis et singultu amarissimo dixerunt ei : « Pater sancte, relinque nobis veritatis exemplum. Per Christum ad quem vadis, te deprecamur, ne de corpore exeras, donec facto nobis ostendas, quid de sacramento altaris sit faciendum. » Tunc vir sanctus cunctis qui aderant audientibus, cum sono vocis ex intimo ducens suspirium, ad se reversus dixit fratibus : « Deferatur cito corpus Christi, quia non decet Christianum sine hoc sanctissimo viatico mori. » Interrogavit eum dictus Fernandus, si aliquid a sinistra parte vidisset. Respondens, dixit ei : « Inimicum vidi, sed confusus recessit. » Cum autem deferretur corpus Christi, descendens de lecto suppliciter adoravit, et cum summa devotione accepit. Deinde cunctis potentibus benedictionem, verbis quibus conseruverat, benedixit eis, dicens : « Benedic vos Dominus ex Sion, et videatis semper quæ bona sunt in Jerusalem (*Psal. cxxvii*). Commendo vos Deo, quia ego vado ad Deum qui vocat me. » Quibus dictis, spiritum Domino tradidit. Cum autem corpus ejus ex more ablueretur, ita splendidum et nitidum inventum est, ut jam futuram glorificationem prætendere videretur. Nihil deformis in pudendis apparebat membris, eo quod septennis pueri munditiam viderentur testari. Sequenti vero die cum insomni per civitatem Dei famulum Martimum mugrasse de corpore, repleta est civitas murmurum, et unusquisque Patrem piuum plangebat. Conveniunt populi, cereos accensos habentes in manibus, plus ad festivitatem Martini quam ad funera

confuentes. Plorant alii, se ad præsens anittere; gaudent alii, se credentes novum patronum habere in cœlis. In tanto bivio positi p.um erat flere Martinum, et piissimum congaudere Martino.

NONNULLORUM ELOGIA

DE B. MARTINO

CANONICO REGULARI, PRESBYTERO, LEGIONE IN HISPANIA.

1. Joannes Bollandus ad diem 11 Februarii: Legio urbs est Hispaniae, regni cognominis caput vulgo *Leon*. Hic insignis est canonicorum regularium abbatia, S. Isidori nuncupata, quod ad eam S. Isidori episcopi Hispalensis translate reliquie sint. Asservantur illic reliquie quoque B. Martini presbyteri, qui in eodem cœnobio canonicus regularis fuit. De eo Lucas Tudensis, auctor coœvus, in *Prefatione ad Chronicum mundi* ita meminit: *Quid de venerabili Martino Legionensi presbytero sentendum, qui tantam a Domino precibus in divinis Scripturis prærogativam obtinuit, ut in expositione Scripturarum sanctissimis primis doctoribus merito valeat adæquare?* Meminuit et Joannes Mariana, lib. II, cap. 16, ubi de rebus sub anno 1188 gestis agit: *Martinus presbyter, inquit, per hac tempora litteris et vita clarus, Legione multis libris conscribendis operam dabant; ex rudi atque illiterato repente factus doctissimus, ab Isidoro, cuius in monasterio vivebat, obtato in somnis libro quem comedebat. Eorum librorum pars nulla ad nostras manus venit: Canonicus ejus temp. i magna religione servant rei gestæ monumentum posteritati præclarum.*

2. Ambrosius Morales *Chronic. general. Hispan.* libro XII, cap. 21, vidisse se libros illos testatur, et publicos Martino honores exhiberi; ita ergo scribit: *Ante annos CCC vixit in S. Isidori monasterio canonicus, Martinus nomine, rudi admodum ingenio, sed magna vita sanctitate, et ob hanc in summa apud populum veneratione. Discruciatib[us] ejus animum, quod, quantumvis magno labore nullam assequi litterarum scientiam posset. Nocte quadam in somnis ei S. Isidorus apparuit, librumque præbuit, et ut comederet mandavit. Simul scientia illi per ampla infusa est. Plura exinde opera Latine scripsit, verbis styloque sat culto. Exstant ea penes canonicos, et quædam ego ex iis legi. In urbe totaque provincia sanctus habetur; et quanquam nondum solemni apotheosi decreti ei sint cœlestes ab Ecclesia honores, erectum tamen in eo monasterio sacellum est, opposito titulo S. Martini, atque in ara locatum ejus sacram corpus, thecæ affabre cœlatae atque inauratae inclusum: in tabula altaris depicta sunt ejusdem beati miracula. In claustro cœnobii S. Mariae de la Vega Salmanticæ visitur in quodam altari idem depictum in tabula miraculum, tanto artificio, ut haud facile elegantior tota Hispania pictura reperiatur. Ita Morales.*

3. Athanasius de Lobera ordinis Cisterciensis

(9) Erravit Bollandus, et omnes quos citat, dum natale S. Martini assignarunt ad diem 11 Januarii, ut Lobera, vel Februarii, ut cæteri. Martinus obiit die 12 Januarii anni 1203, et ejus festum celebratur ab suis canoniciis die 14 ejusdem mensis. Vetusissimum Necrologium quod prefati canonici asservant, quodque scriptum fuit ante medium saeculi XIII, ut satis prolixe nos recognovimus, mortem sancti annuntiat his verbis: *Secundo Idus*

A monachus, parte II *Historiae Legionensis*, sive *De magnitudine civitatis, et Ecclesiae Legionen.*, cap. 32, Martinum vocat *Speculum virtutis, splendorem virginitatis, exemplum obedientie, thesaurum sapientie, regulam religionis, propugnaculum fidei, fragrantiam sanctitatis, honorem bonorum morum.* Addit: *Vitam ejus scriptam a Luca Tudensi episcopo, in insigni monasterio S. Isidori Legioni canonico, ubi et ipse S. Martinus canonicus fuit: extare eam in libro, quem idem auctor edidit de S. Isidori translatione, eumque librum, typis procusum, esse in manibus.*

4. Brevius aliquanto Vitam eamdem Latine edidit Thomas de Truxillo, tom. II *Thesauri concionatorum*, parte II, ubi ista habet: *Celebratur autem festum ejus in civitate Legionensi, et in lectionibus, que ibi leguntur in ejus officio, vita narratur, sicut hic a nobis descripta fuit, quæ habetur in Breviario antiquo illius Ecclesie. Exstat quoque Vita ejus B Hispanice scripta a Joanne Marieta, lib. vi *De SS. Hispanis*, cap. 5, ubi eadem de cultu et officio, de sacerdotali tituloque; de reliquiis et pictis miraculis tradit. Hispanice quoque eamdem Vitam scripsit Alphonsus Villegas, tom. I *Floris SS.*, fol. 406. Honorifice ejus meminit Alphonsus Venerus in *Enchiridio temporum*.*

5. Refert eum in *Natalib. SS. canonorum* Constantinus Ghinius 11 Februarii his verbis: *Legione in Hispania... Natale S. Martini canonici regularis et presbyteri. Philippus Ferrarius eodem die: Legione in Hispania S. Martini presbyteri. Eadem ante quoque 8 Februarii habet. Fatetur tanzen in Notis consignari ab aliis ejus Natali 11 Februarii. Lobera, errore, ut opinor, librarii, ait 11 Januarii coli; Villegas 12 Februarii; cæteri 11. Gabriel Pennotus, lib. II *Historiae canonice regularium*, cap. 31, num. 5, ait abbatem suisse monasterii S. Isidori, quod ii, quos jam citavimus, non tradunt (9).*

Thomas de Truxillo in *Thesauro concionator.*, tom. II, 11 Februarii: *Ex illustri quidem familia originem duxit hic gloriosus Christi confessor et doctor Martinus in civitate Legionensi. A prima autem ætate se totum exercuit in sanctis operibus, ut virum Christianum decet. Vocabantur vero parentes ejus Joannes et Eugenia. Talis porro ejus vita fuit, ut omnibus exemplum reliquerit magnæ sanctitatis. Igit autem Romanum ad visitandum reliquias sanctorum apostolorum, accepit etiam benedictionem ab Urbano papa, atque ita reversus est*

Januarii obiit Martinus sanctæ crucis bona memoria, æra M.CC.XLI.

Nec etiam abbas fuit Martinus cœnobii S. Isidori, ut Pennotus, Nicolaus Antonius et alii existimarent; sed simplex duntaxat canonicus perperam confusus ab his auctoribus cum Martinis abbatisbus, qui tempore sancti monasterio præfuerunt; ex quibus unus obiit, ut constat ex Necrologio suprafasato, pie 31 Augusti 1182; alter 27 Martii 1209.